



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Episcopatus de littera S. c. LIII.

urn:nbn:de:hbz:466:1-38372

Episcopatus de litera S.

Cap. LIII.

Sagienses in Normandia, sub Rothomagensi Archiepiscopo.

S.
11



DELELINVS, seu Adelinus monachus S. Carilephi in Gallia, siue Treuerensis, & post Sagiensis Eps, ingenii sui monumenta nonnulla posteris reliquit, & inter illa uitam S. Oportunę Abbatis, quę est tomo 2. Surii. Floruit anno Domini 870. *Ipse in uita S. Oportunę apud Sur. to. 2. Saliocenses.*

1 D. PAVLVS, monachus, & Abbas monasterii Saliocensis, deinde eiusdem etiam ciuitatis Episcopus primus, postquam aliquot annos super gregem suum cautę inuigilasset, ex hac uita migravit, de nomine suo Episcopatu nomen relinquens, qui exinde Paulensis dictus est. *Belforestius in sua Cosmogr. tom. 1. fol. 139.*

Saltzburgenses, siue Iuuauenses in Bauaria, nunc sunt Archiepiscopi.

1 S. RVPERTVS, ex Regali Francorum Regum progenie ortus Vvormatiensis Episcopus octauus, de sede sua à quodam tyranno deturbatus, Bauariam uerbum Dei prædicaturus adiens, à Theodone Rege humaniter susceptus, eodem cooperante, quem iam salutariter abluerat lauacro, Iuuauię Sancti Petri sibi & fratribus monasterium statuit, in quo uitam monasticam ducēs, eis pro Abbate fuit annis duobus; deinde Episcopus primus Salisburgensis, siue Iuuauensis creatus ann. Domini 579. uel 581. ut alii uolunt, præfuit monasterio, & Episcopatu aliis annis 44. continuę prædicando sacras literas explicans; Obiit plenus dierum anno Domini 623. die 27. Aprilis, & in Ecclesia monasterii sui S. Petri sepultus est. *F. Petrus Cratepolius de Episcopis Germaniæ, & alij nonnulli.*

2 S. Vitalis, monachus, & Abbas monasterii S. Petri de Salisburgo, uitę sanctitate, ac doctrina clarus, S. Ruperto magistro suo in regimine Episcopatus succedens, præfuit annis 23. & obiit anno 646. *Belforestius in catalogo Episcoporum Saltzburgensium, in cosmogr. sua; & Demochares de sacrific. Missę, tom. 2. cap. 40.*

3 D. Anselogus, monachus, & Abbas S. Petri, & post tertius Iuuauensis Præsul, populum suum gubernauit annis 20. & moriens anno 666. in suo monasterio sepultus est. *Demochares ibidem, & Belforestius.*

D. Sa-

4 D. Saulus, siue Samolus, monachus, & Abbas S. Petri; quarto loco creatus Episcopus sedit annos 14. & in eodem suo cœnobio inhumatus est anno Christi 680. *Auctores ijdem.*

5 D. Ezius, monachus, & Abbas S. Petri Saltzburgenſi Eccleſiæ præfuit annis 23. Obiit anno 703. in Sancto Petro conditus. *Auctores qui supra.*

6 D. Florbargifus, monachus, & Abbas S. Petri, & sextus Saltzburgenſis Episcopus, Eccleſiam suam rexit annis 37. Migravit ab hac luce, anno Domini 740. in monasterio Sancti Petri tumulatus. *Demochares, & Belforeſtius.*

7 S. Ioannes, Anglus, monachus Vvintſchelenſis in Anglia, discipulus S. Bonifacij Archiepiscopi Moguntini, uir morum ſanctitate, & eruditione inſignis creatus est ſeptimus Saltzburgenſis Episcopus anno 740. & annis 14. in omni ſanctitate præfuit. Obiit an. 754. *Hunc Trittemius, lib. 4. c. 10. 5. primum Archiepiscopum Saltzburgenſem agnoſcit, uti in Archiepiscopis notauimus.*

9 D. Bertricus, monachus, & Abbas monasterii S. Petri, in locum S. Virgilio Episcopi, anno 784. nonus Episcopus Saltzburgenſis electus, ſequenti anno uiam patrum ſuorum ingreſſus est. *Demochares, & Belforeſtius.*

Sanctonenses, siue Xanctonenses, in Aquitania, sub Burdegalenſi Archiepiscopo.

24 S. GODRANIVS, siue Goderannus, monachus monasterii Cluniacensis, & primus Abbas Malleacensis, deinde Sanctonensis Episcopus 24. creatus anno 1069. de cuius ſanctitate multa miranda narrantur, inter quæ illud est, quod cum quadam uice S. Hugo Abbas Cluniacensis, cuidam leproſo, à communione cæterorum hominum corporaliter ſubtracto, ſacram Eucharistiã porrexisset, ille tumentibus labris & ulceroſo ore, corpus Domini indignè maſticans, importuna ſternutatione reiecit, ſequente nimirum nauſea & ſpuma horribili. Christi uerò miles Goderannus, qui aderat, Domini ſui ſacramenta indignè conſpiciens agitari, quod diligebat celeri collegit obſequio; uir enim magnanimus manus utraſque ſupponēs uiuificis ſacramentis, in ore ſuo proiecit, & uomitum magnæ tenentis ægri, læthalibus coleris coherentibus, fideliter abſorbuit. Quæ in re magiſter pius S. Hugo ſtupefactus, & discipuli ſui perfectione attonitus, Laurentii craticulam tollerabiliorem fuiſſe indubitanter aſſeruit. Obiit uir ſanctus anno Dom. 1073. regiminis ſui ſeptimo. *Trittemius, lib. 4. c. 248. chron. Clunic. & alij.*

27 D. Petrus, monachus, & Prior Subiziensis, Episcopus 27. renunciatus anno Christi 1088. presuit annis octo. migravit à seculo anno 1095. *Demochares de sacrific. Missæ, to. 2. p. 26.*

32 D. Bernardus, Monachus & prior de Sabloncellis in Gallia, pastorali infula ornatus legitur anno 1167. quo tamen obierit tempore, uel quantum presuerit incertum. *Demochares ibidem.*

Sardorum, sub Calaritano Archiepiscopo.

S. BENEDICTVS, Monachus monasterii Casinensis, uir doctus, & sanctus, de cuius miraculis librum unum se scripsisse refert Petrus Diaconus, ab Urbano Papa II. circa annum Domini 1090. Episcopus Sardorum creatus, in sanctitate uitam finiuit, die decimotertio calendæ Martii. *Petrus Diaconus de Sanctis mont. Casin. cap. 36. & lib. 4. hist. Cas. cap. 7.*

D. Homodei, monachus Casinensis.

D. Albertus, monachus Casinensis. Hi duo ad Callisto Papa II. circa annum Domini 1122. Episcopi ordinati, & in Sardiniam Insulam missi sunt. *Petrus Diaconus, lib. 4. hist. Casinensis, cap. 82.*

Schireburnenses, siue Saresburienses, in Anglia, sub Cantuariensi Archiepiscopo.

1 S. A E D E L M V S ; Adelmus, siue Aedhelmus, uel Anthelmus : tot enim modis in diuersis, diuersè scriptus reperitur, Bladuius, monachus Meldunensis, & Abbas, quod cœnobium nunc Malmesburiense uocatur ; Sancto Heddi, quinto Episcopo Dorcestrensi ad patres adposito, & sede illa, partes in duas scissa; primus Schireburnensis, quæ modo Saresburia, Episcopus creatus est ann. Dom. 704. Vir fuit omni sanctitate repletus, & doctrinæ laude insignis, atque tam liberalium, quàm ecclesiasticarum rerum eruditione mirandus. Presuit Ecclesiæ suæ annis quatuor, & uia uniuersæ carnis ingressus est ann. Christi 709. die 8. calen. Iunii, *Beda, lib. 3. cap. 19. Matthæus Westmon. ad annos presatos. Trittemius, libr. 4. cap. 175. & alij plures.* Scripsit tam carmine, quàm prosa.

De celebratione Paschæ, lib. 1.

De uirginitatis laudibus metro. libr. 2. qui excusi sunt Basileæ inter monumenta Orthodoxographorum Patrum, & Parisiis, in folio, tomo 8.

Bibliothecæ SS. Patrum.

Aenigmata carmine, excusa Basileæ, anno 1557.

Epistolas plures ad diuersos, lib. 1. Et alia nonnulla, quæ ad manus meas non peruenierunt.

Scotorum, incertae sedis.

S. V V I R O, Scotus, monachus primum in Anglia, deinde Episcopus in Scotia, suam functionem sanctissime obiit; sed aliquot post annos, populi dure cervicis obstinatione, ut putatur irritatus, in Franciam transmittens, propter suae sanctitatem dignus habitus est, qui Pipino Duci à sacris confessionibus eligatur, cuius ope monasterium Sanctae Mariae in monte Petri, quod nunc S. Odiliae vocabulū retinet, non longè à ciuitate Ruremundensi extrui curauit, ubi reliquū ætatis suae sanctissime transgens piè moritur, 8. Idus Maij. Floruit anno Domini 700. *Tritemius, lib. 3. c. 263. & alij.*

D. N. Monachus monasterij Furnesii in Anglia, uir astutus multum & uaser, circa annum Domini 1150. Episcopus Insularum Scotiae renunciatus cum dexteritate maxima populum suum gubernauit. *Gulielmus Neubrigensis rerum Anglicarum, lib. 1. cap. 24.*

Sedunenses in Vallesia, sub Tarantasiensi Archiepiscopo.

D. E D O A R D V S, Philippi, Pedemontium Achaiae, & Morae Principis filius, monachus Ordinis S. Benedicti, & Burgeri Prior, tū Secusiae Abbas, demum Sedunensis Episcopus, postremo Bellicensis, & Tharantasiensis, ac S. R. E. Cardinalis, ut suis locis annotabitur. *Philibertus Pingonius in Arbore Sabaudica, gradu 22.*

Senogallenses in Marchia Anconitana.

D. T R A S M Y N D V S, Monachus monasterij S. Crucis de Auellana, Congregationis Columbæ, & deinde Episcopus Senogalliae. *Aug. Flor. parte 2. lib. 5. cap. 16.*

Seleseisenses, siue Cicestrenses, in Anglia, sub Cantuariensi Archiepiscopo.

1 D. E A D B E R T V S, seu Edbrechtus, Monachus & Abbas Monasterij Seleseiae, quod olim constructum fuerat à Sancto Vvifrido Episcopo, decreto Synodalis Concilij anno 711. in prouincia Australium Saxonum celebrati, constitutus est primus Seleseisensis, siue Cicestre sis Episcopus: quo in honore cum annis aliquot permansisset, Cellā habuit successorem. *Matthæus Westmonasterien. ad annum 711. Tritemius, lib. 4. cap. 177.*

8 D. Aethelgarus, monachus, & Abbas Monasterij Noui Vintoniensis, uir pius, & doctus, creatus anno 988. post annum sessionis suae duodecimum ad Cantuariensem sedem migravit. *Matthæus ad annum 988.*

17 D. Sigefridus, monachus, & Abbas Glastoniensis, creatus est Epi

scopus Cicestrensis, seu Seleciensis, anno 1125. sed quo anno obiit non refertur. *Matthæus ad annum 1125.*

21 D. Ranulphus, monachus, & Prior Noruicensis, Episcopus creatus est anno Christi 1218. præfuit annis plus minus 5. Obiit anno 1222. *Matthæus ad annos illos.*

Signienses in Campania, exempti.

1 S. Bruno, siue Brunus, Ligur, ex illustri Astensium sanguine, Episcopus primum Signiensis factus, aliquot post annos Episcopatum resignans, in monasterio Casinensi monachum induit, ubi tandem Abbas in ordine 40. renunciatus est, & eo munere functus est annis 3. & mēsis 10. Quibus finitis à Paschale Papa II. abdicare coactus, ad episcopatum suum reuersus, & anno Domini 1111. ibidem in pace uitam finiuit, vltimo Augusti. *Petrus Diaconus, libro 4. Hist. Casin. c. 44. & alibi sepius.*

Siracusani in Sicilia, sub Metropolitano montis Regalis.

74 D. THOMAS, Episcopus, Ciuis Catanēsis, Siculus, monachus Ordinis S. Benedicti, & Sacre Theologiæ, & Decretorum Doctor peritissimus. Hic dū visitaret Diocesim Erachię à Saracenis captus, ecclesię suę impensis redemptus est. Sedit annis 29. & demum Catanę obiit anno 1416. *D. Ignatius Zamparanus, Monachus S. Marini de Scalis, & R. P. Octavius Caietanus Siracusinus Societatis Iesu Theologus, in catalogo Episcoporum Siracusanorum ad nos transmissio.*

Sodorienfes, siue Monæ Insulæ, in Scotia, sub Archiepiscopo Sancti Andrea.

1 D. REIMVNDVS, siue Vvimundus, monachus Sauieniensis, ob singularem eruditionem, & prudentiam primus Episcopus Sodorienfis, siue Monæ insulæ creatus, anno 1151. uitam in pace finiuit. *Matthæus ad annum 1151.*

2 D. Ioannes, monachus Sagiensis in Gallia, Reimundo succedēs, aliquot annis laudabiliter gubernauit. *Matthæus ibidem.*

Spirenses, siue Nemetenses, in Germania, sub Moguntino Archiepo.

16 D. AMELRICVS, monachus monasterij Vveysemburgēsis, electus est Episcopus Spirensis sextuldecimus, ann. D. 890. præfuit annis 3. Obiit anno 893. *Demochares de sacrific. Missæ, to. 2. c. 35.*

17 D. Gebhardus, siue Berinhardus, Monachus Vveysemburgensis, creatus est in Amelrici locum an. 893. Cuius tempore Canonici Spirenses uitam monasticam professi, sub uno recto coniuncti habitare cœperunt, sine proprio, sub regulari disciplina uiuentes. Hic anno Episcopatus sui 18. Christi Domini 912. à quibusdam comitibus

trucidatus est, quod persuasisset eorum cognato, ut sua quædam prædia donaret ecclesiæ Spirensi. *Demochares ibidem.*

19 D. Reginobaldus, I. Monachus Hirsaugiensis Sancti Aurelij, uoluntate Otonis I. Imperatoris Spirensi ecclesiæ præfectus anno Domini 943. præfuit annis 15. Obiit uerò anno 958. die 13. mēsis Octobris. Hic uectigalia, & potestatem cudendi monetā, decimas, & redditus, ecclesiæ suæ impetrauit à Cunrado Duce Franconiæ, consentiente Otone Imperatore, anno Episcopatus sui tertio. *Demochares ibidem, & Belforestius in Cosmographia.*

20 D. Godefridus, monachus Vveyssemburgensis, Episcopus creatus, mensibus tantum quindecim præfuit; obiit anno 959. *Demochares loco citato.*

21 D. Odogarius, monachus Ordinis S. Benedicti, Godefrido substitutus, an. 10. administrationis suæ, Christi 969. diem obiit. *Democh.*

23 D. Rupertus, monachus Vveyssemburgensis, Episcopus electus anno Christi 987. præfuit annis 18. Obiit anno 1005. *Demochares.*

27 D. Reginobaldus, II. monachus, & Abbas Monasterij Sancti Vlrici, in Augusta Vindellicorum, creatus anno 1032. cum annis octo præfuisset, obiit anno 1039. *Demochares loco citato.*

31 D. Einhardus, monachus, & Abbas Limburgensis, electus anno 1058. præfuit annis 9. Obiitq; anno Christi 1067. *Demochares.*

35 D. Gebhardus, II. Comes Auracensis, Monachus, & Abbas Hirsaugiensis, Spirensis Episcopus electus est anno Dom. 1105. Abbatialis regiminis sui 14. & insigni pompa consecratus est à Ruthardo Moguntino Archiepiscopo: præfuit uir doctus, & eloquens, annis 4. & mensibus 10. Obiitque anno 1110. in monasterio suo Hirsaugiensi ante summū altare sepultus. *Tritt. lib. 4. c. 246. & Democh.*

37 D. Arnolphus, monachus, & Abbas S. Viti Corbeie Saxonice, unanimi Capituli consensu electus Episcopus anno 1113. præfuit laudabiliter annis 4. & anno 1117. moriens, in Ecclesia S. Guidonis humatus est. *Demochares.*

58 D. Lambertus, nobilis à Buren, Alsata, Monachus Neourlerensis, & Abbas Gengenbacensis, anno Domini 1364. communicatione suffragio Spirensis Ecclesiæ Episcopus electus, relicta sede Brixinenfi quam annis 13. rexerat, electioni de se factę consentiēs Spirensē adiit, quam gubernauit annis plus minus octo, usque ad annum 1371. Illo enim anno à Carolo III. Imperatore, cuius erat Cancellarius, ad Argentinensem Ecclesiam transire iussus est. *Demochares loco citato, & Trittemius, lib. 4. c. 251.*

Stagnenses in Dalmatia, sub Ragusino Archiepiscopo.

D. BASILIVS Gradi, Ragusinus, monachus primum Congregationis Melitenensis, postea Casinensis, & demum Stagnensis Episcopus factus à Gregorio Papa XIII. anno 1584. uix biennio præfuit. Vir fuit doctus & eruditus, ut eius castigationes in paraphrasim psal morum Ioannis Baptistæ Folengij monachi Casinensis Congregationis demonstrant.

Suessani, in Campania, sub Capuano Archiepiscopo.

D. MILO, monachus monasterij Casinensis, & præpositus Capuani cænobij, Abbasque Sancti Benedicti de Salerno, ab Alexandro Papa II. anno Domini circiter 1072. Ecclesiæ Sueflanæ Episcopus creatus, monasterio suo, & Episcopatu simul, aliquot annis summa cum uigilantia præfuit. *Leo Ostiensis in Chron. Casinensi, lib. 3. c. 24. & Trittemius. libr. 4. cap. 226. qui emendatione tamen indiget: dicit enim Episcopum eum Sueffionensem in Francia, pro Sueffano.*

D. Iacobus, monachus Casinensis, Sueflanæ Ecclesiæ Prepositus, Obijt die 7. Cal. Martij, sed quo floruerit tempore incertum. *Calendarium vetus Casinense MS.*

Suessionenses, in Gallia, sub Rhemensi Archiepiscopo.

16 S. VRSMARVS, qui ab alijs Autcharus vocatur, monachus, Abbas Lobienensis, sextodecimo loco Sueffionensi Ecclesiæ Episcopus datus, Aldemburgi præcipuè prædicans, templum in honorem Apostolorum Principis dedicauit anno Christi 669. quod postea conuersum est in monasterium monachorum Ordinis S. Benedicti à S. Arnulpho Episcopo itidem Sueffionensi. Præfuit autem S. Vrsmarus huic sedi annis plus minus 44. Obijt enim anno Domini 713. die 13. calendas Maij. *Meyerus, libro primo Annal. Flandrie, ad annum Domini 669.*

51 S. Arnulphus Pamelius, Aldenardensis, Flander, monachus, & Abbas monasterij S. Medardi in ciuitate Sueffionensi, uir sanctissime conuersationis, iussu S. Gregorij Papæ VII. ab Hugone Legato sedis Apostolicæ, & Archiepiscopo Lugdunensi, Episcopus Sueffionensis consecratus, anno Domini 1080. & in Flandriam, ad tumultus excitatos sedandos missus; munus sibi iniunctum strenuè compleuit: & demum sanctitate, & miraculorum operatione clarus, in Domino quieuit anno 1087. regiminis sui octauo, die decimo octauo calendas Septembris, & in monasterio S. Petri à se fundato die sequenti sepultus est. *Trittemius, lib. 3. cap. 326. Meyerus, lib. 3. Annal. Fland. Belforestius in Cosmog. & alij.*

Episco-